

## COMISIÓNS DE SERVIZO POR MOTIVOS DE SAÚDE 2020

**Desde o día 25 de maio ata o 5 de xuño de 2020, ambos incluídos  
Obrigatoriamente por vía electrónica**

### **DOCENTES QUE PODEN SOLICITALA:**

- **Persoal funcionario ou laboral docente dependente da Consellería de Educación que estea en situación de servizo activo, de excedencia por coidado de familiares ou de excedencia por violencia de xénero.**
- **Persoal funcionario de carreira dos corpos docentes dependentes doutras administracións educativas que estea en situación de servizo activo.**

Poderán concederse por razóns de saúde do propio docente ou dun familiar nas seguintes situacións:

- 1.- **Persoal funcionario e laboral docente** afectado por situacións que impliquen unha notoria mingua das facultades físicas, psíquicas ou sensoriais.
- 2.- **Cónxuxe, parella de feito ou dunha persoa familiar de primeiro grao de consanguinidade ou afinidade** que conviva e que estea ao coidado directo da persoa solicitante, cando existan razóns de enfermidade grave, que impliquen, con carácter xeral, un grao de discapacidade recoñecido de, **polo menos, o 65 por 100.**
- 3.- **Familiar en segundo grao de consanguinidade ou afinidade** cando, ademais de concorreren as circunstancias relacionadas no parágrafo anterior, non exista ningunha persoa familiar en primeiro grao ou, de existiren, estean incapacitadas para o seu coidado directo.

A adscrición temporal en comisión de servizos estará supeditada á existencia de praza vacante e que ao solicitante en caso de ser interino/a ou substituto/a lle corresponda a adxudicación dunha praza das solicitadas no CADP.

### **REQUISITOS:**

1. Ter, se é o caso, destino definitivo nunha localidade **a unha distancia superior a 50 km da localidade de residencia.**

Poderase exceptuar este requisito cando as razóns por motivos de saúde alegadas así o aconsellen de xeito indubidable.

Tampouco será exixible este requisito a aquelas persoas que presten servizos con carácter definitivo nos centros de educación infantil, educación infantil e primaria, educación primaria, colexios rurais agrupados, centros de educación especial e centros públicos integrados que teñen réxime de xornada partida.

2. Ter solicitado, de reunir os requisitos, agás casos excepcionais que serán valorados pola comisión de valoración, **praza no último concurso de traslados para a localidade ou localidades en que se solicita a comisión de servizos.**

Exceptuarase a obriga de ter participado no concurso de traslados cando a solicitude se fundamente en causas sobrevidas ao remate do prazo de presentación de solicitudes do concurso.

3. Con carácter xeral, dous ou máis docentes vinculados familiarmente non poderán gozar dunha adscrición temporal polo mesmo motivo, debendo renunciar, de ser o caso, un deles.



## **DURACIÓN:**

Terá unha duración **dun curso académico** e, con carácter xeral, non poderá concederse pola mesma circunstancia **máis doutros dous cursos** (esta duración pode ampliarse), sexan continuados ou interrompidos.

## **PRAZO DE SOLICITUDE ANO 2020:**

**Desde o día 25 de maio ata o 5 de xuño de 2020, ambos incluídos.**

**As causas sobrevidas fóra do prazo** de presentación de solicitudes e con anterioridade á adxudicación definitiva do CADP para o curso académico, dirixiranse ás xefaturas territoriais correspondentes **no prazo de presentación de solicitudes extraordinario** que se publicará na páxina web [www.edu.xunta.gal](http://www.edu.xunta.gal).

## **PROCEDEMENTO DE SOLICITUDE E PRESENTACIÓN:**

### **Obrigatoriamente por vía electrónica.**

Para a cobertura de solicitudes farase na páxina web da Dirección Xeral de Centros e Recursos Humanos (<http://www.edu.xunta.es/cadp>) e presentaranse obrigatoriamente por medios electrónicos na sede electrónica da Xunta de Galicia (<https://sede.xunta.gal>), empregando calquera dos mecanismos de identificación e sinatura admitidos, incluído o sistema de usuario e clave Chave 365 (<https://sede.xunta.gal/tramites-e-servizos/chave365>).

As solicitudes dirixiranse á xefatura territorial da consellería competente en materia de educación en que a persoa interesada teña destino definitivo ou provisional ou á xefatura territorial da provincia en que pretenden prestar servizos para o suposto daquelas persoas solicitantes con destino fóra da Comunidade Autónoma.

## **DOCUMENTACIÓN A PRESENTAR:**

### **ANEXO I MÁIS:**

- Informe actualizado do persoal médico de atención primaria e/ou especialista acreditativo da enfermidade/s alegada/s.
- Copia da resolución administrativa de recoñecemento de grao de discapacidade do persoal docente solicitante cando non fose expedida pola Xunta de Galicia, para aquelas circunstancias en que sexa de aplicación.

No suposto de solicitude de comisión de servizos por razóns de saúde dunha persoa familiar, achegarse ademais:

- Certificación literal ou copia do libro de familia actualizado.
- Certificado de empadramento colectivo da persoa solicitante.
- Copia da resolución administrativa de recoñecemento dun grao de discapacidade igual ou superior ao 65 por 100 da persoa pola que se solicita a comisión.
- Anexo II: comprobación de datos de terceiras persoas interesadas.

**A documentación complementaria deberá presentarse electronicamente.**





Non será necesario achegar os documentos que xa fosen presentados anteriormente, sempre que non se modificasen as circunstancias, agás os informes médicos, que deberán ser actualizados.

### **PETICIÓN A CENTROS E/OU LOCALIDADES:**

Deberase solicitar en **primeiro lugar o centro ou centros da localidade ou localidades que se encontren nun radio de 20 km do lugar da súa residencia.**

Os centros penitenciarios, os centros de educación permanente de adultos e os centros ordinarios en que se imparten ensinanzas de adultos e aqueles outros centros en que se imparten ensinanzas en réxime de xornada partida **serán de solicitude voluntaria.**

Poderán engadirse voluntariamente peticións a centros ou localidades que se consideren convenientes, tendo en conta que neste caso é obrigatorio solicitar os centros ou localidades a que se fai referencia no parágrafo anterior.

### **DOBRE PETICIÓN:**

Os colectivos que soliciten a comisión de saúde e estean obrigados a participar no CADP, deberán facer dúas solicitudes: **Comisión de SAÚDE E CADP Ordinario.**

### **RESOLUCIÓN PROVISIONAL E RECLAMACIÓN:**

Publicarase na páxina web [www.edu.xunta.gal](http://www.edu.xunta.gal), contra a dita resolución provisoria, as persoas interesadas poderán formular reclamación no prazo de **cinco días hábiles** desde o día seguinte ao da súa publicación na web.

### **RESOLUCIÓN DEFINITIVA:**

Publicarase na páxina web [www.edu.xunta.gal](http://www.edu.xunta.gal). A concesión da comisión de servizos por motivos de saúde non implica a adxudicación de praza por este motivo no concurso de adxudicación de destinos provisionais, que estará supeditada, en todo caso, á existencia de vacante.

A deformación dos feitos ou calquera falsidade consignada na solicitude ou na documentación achegada será causa de denegación ou revogación, se é o caso, e inhabilitan para solicitar a comisión de servizos no próximo curso académico.

### **TOMA DE POSESIÓN:**

A que dispoña a Consellería de Educación nas súas normas reguladoras do comezo do curso.

Cando a toma de posesión coincida coa toma de posesión doutro destino adxudicado por concurso de traslados, tomarase posesión e cesamento nominal deste último, para os únicos efectos da reserva do posto de traballo, incorporándose ao destino adxudicado por comisión de servizos.

## ESTAMOS A TÚA DISPOSICIÓN EN:

A CORUÑA <a href="mailto:ense15@csif.es">ense15@csif.es</a> Rúa Bugallal Marchesi nº 5 Entrechán Derch 15008 981 134113 / Fax: 981060324	SANTIAGO <a href="mailto:ense77@csif.es">ense77@csif.es</a> Rúa do Valiño nº 65 Baixo 15707 981 560951 / Fax: 981575140	LUGO <a href="mailto:ense27@csif.es">ense27@csif.es</a> Rúa Conde nº 2 Baixo Posterior 27003 982 250169 / Fax: 982 245521	OURENSE <a href="mailto:ense32@csif.es">ense32@csif.es</a> Rúa Progreso nº 145 Entrechán 32003 988 241111 / Fax: 988 213538	PONTEVEDRA <a href="mailto:ensino36@csif.es">ensino36@csif.es</a> Rúa Marqués de Riestra nº 18 Entrechán 36001 986 896900 / Fax: 986 896901
---	--	--	--	--

